



Naqqiut

Oqallisissiaq 14. marts 2024-meersoq taarserpaa

(Makku naqqiutigineqarput - siunnersuuteqartup aqqi naqqiutiginerapoq – malitsigisaanillu oqallisissiami oqaatsit naqqinneqarlutik)

Inatsisartut Suleriaasianni § 36 naapertorlugu aoeqquteqaat aallaavigalugu oqallinnissamik imaattumik siunnersuuteqarpunga:

Nunarput Folketingimut suli aallartitaqassarnersoq pillugu oqallisissiatut siunnersuut

(Inatsisartunut gruppiat, Naleraq)

Namminersornermut Inatsit suliarineqarneranut qulakkeerneqarpoq Inatsisartut amma Naalakkersuisut Inuiaat Kalaallit sinniisorigaat.

Assersuutitut takuneqarsinnaavoq danskit naalakkersuisui Kalaallit Nunaanut atuuttussanik inatsisinik, imaluunniit Kalaallit Nunaanut atuutsinneqalersussanik, siunnersuuteqarniaraangata Namminersornermut Inatsit malillugu Naalakkersuisut isummerteqqaartarmassuk.

Aamma Inuiaat akunnerminni isumaqatigiissutit nunatsinnut pineqartillugit Namminersornermut Inatsimmi pisussaaffiuvoq danskit aamma Kalaallit Nunaani Naalakkersuisut suleqatigiissasut.

Taamaattoq suli nunatsinniit marlunnik folketingimiititaqarpugut.

Danskit udenrigspolitisk nævn savalimmiullu nunanut allanut ataatsimiititaliaat nunatsinni pulaarmata arlallit maluginiarpaat iluaqutaa killeqarluni puupassaarutaannaasoq Kalaallit Nunaaniit folketingimi ilaasortaqrneq.

Akuerinngilarput 1953-imi nunatta innuttasui aperinagit Danmarkimut pulatinneqarnera.

Kingunerisaanillu nalunngisatsitut, Inuit sipaarniutitut ikilisarlugit, nuussorlugit, inuerusaallutik iliuuseqarfigineqarnerat (G-60).

Minnerunngitsumik nunarsuarmioqatitta nunap inoqqaavinut periuseq taamaattoq akuerineq ajorpaat. Maannamulli nipaatumik akuersaarinninnerput tamaanga killeqarnissaa kissaatigaara. Innuttaasummi ersarissumik soqutiginnaareerpaat folketingimut qinigaqarnissartik, allaat taasisinnaasut affaaluunniit folketingimut qinersisarunnaarnikuupput. Aali qallunaarpasuit nunatsinni qularnanngitsumik taasiartortartut.

Innuttaasut soqutiginninnerat killeqarpat, taava suna utoqqatsissutaava, nunatsinniit aaliangiunnissaa danskit folketingianut aallartitaqartarunnaarnissaq? Partiimut tapiissutit?



Naleraq

Apeqqummik pingaaruteqarluinnartumik pitsaasumik piviusorsiortumillu oqallinnissaq qilanaaralugu.